



Inatsisartunut ilaasortaq Jens Napaattooq, Partii Naleraq  
Inatsisartut Allattoqarfiat  
/Maani

**Sinerissap qanittuani aalisariutit isaterneqarneranni akileraarutip  
atorunnaarsinneqarnissaa pillugu § 37 naapertorlugu apeqput nr.  
2020/100-imut akissut.**

Brevdato: 24-06-2020  
Sags nr. 2020 - 10406

P. O. Box 1037  
3900 Nuuk

Tel. (+299) 34 50 00

Fax (+299) 34 63 50

E-mail: oed@nanoq.gl  
www.naalakkersuisut.gl

Asasara Jens Napaattooq

Sinerissap qanittuani aalisariutit isaterneqarneranni  
akileraaruteqaataajunnaarnissaannik Naalakkersuisut peqquneqarnissaannik  
Inatsisartut aalajangiiffigisassaattut siunnersuut pillugu Inatsisartut Suleriaasianni  
§ 37 naapertorlugu Naalakkersuisunut apeqquteqarputit. Apeqqutit uannit  
akineqartussanngorlugu innersuunneqarpoq.

Apeqqut ima oqaasertaqarpoq:

- Aalisariutinik isaterinermut tapiissutit akileraaruteqarunnaarnissaat  
pillugu siunnersuutiga sumut killippa?

Akissut:

Sinerissap qanittuani aalisariutit isaterneqarneranni akileraarutip  
atorunnaarsinneqarnissaanut siunnersuummik saqqummiussinissaq  
Naalakkersuisunit sulissutigineqarpoq. Tamanna Inatsisartut 2021-mi ukiakkut  
ataatsimiinneranni pisinnaassasoq maanna naatsorsuutigineqarpoq. Suliaq  
akileraartarnermut suliassaqarfimmi suliassat pingaarnersiukkat amerlasuut allat  
eqqumaffigalugit soorunami aamma ingerlanneqartariaqarpoq.

Isaterinermut akileraarutip atorunnaarsinneqarnissaanut siunnersuusiernerup  
ilaatut aallarniutitut isumaliutigisassat pisariaqartut arlallit maanna ilaapput,  
ilaatigut siunnersuutip piviusunngortinneqarnissaanut  
aningaasalersuutaasinnaasut misissorneqarnissaat siunertaralugu.

Inussiarnersumik inuulluqqusillunga

Vittus Qujaukitsoq